


八捷度論

才一

三百五十一
比一

50240



阿毗曇八捷度論序

釋道安



此

阿毗曇者秦言大法也衆祐有所見道果之
至蹟擬性形容執乎真像謂之大也有以道
慧之至齊觀如司南察乎一相謂之法故曰
大法也中阿含世尊責優陁耶曰汝詰阿毗

曇乎夫然佛以身子五法為大阿毗曇也

慧名無漏也佛般涅槃後迦旃延義第一以十部經

浩博難究撰其大法為一部八捷度四十四
品也其為經也富莫上焉邃莫加焉要道無
行而不由可不謂之富乎至德無妙而不出
可不謂之邃乎富邃洽備故故能微顯闡幽



也其說智也周其說根也密其說禪也悉其
說道也具周則二八用各適時密則二十迭
爲賓主悉則味淨遍遊其門具則利鈍各別
其所以故爲高座者所咨嗟三藏者所鼓舞
也其身毒來諸沙門莫不祖述此經憲章鞞
婆沙詠歌有餘味者也然乃在大荒之外葱
領之表雖欲從之未由見也以建元十九年
蜀賓沙門僧伽禰婆誦此經甚利來詣長安
比丘釋法和請令出之佛念譯傳慧力僧茂
筆受和理其指歸自四月三十日出至十月
二十三日乃訖其日檢校譯人頗雜義辭龍
蛇同淵金鑰共肆者救救如也和撫然恨之

余亦深謂不可遂令更出夙夜匪解四十六
日而得盡定損可損者四卷焉至於事須懸
解起盡之處皆為細其下梵本十五千七十二
首盧四十八万二千五百四言秦言十九萬五千二百五十
言其人忘因緣一品云言數可與十門等也
周攬斯經有碩人所尚者二焉以高座者尚

其博以盡漏者尚其要以研幾者尚其密密
者龍象翹鼻鳴不造耳非人中之至恬其孰
能與於此也要者八忍九斷巨細畢載非人
中之至練其孰能致於此也博者衆微衆妙
六八曲備非人中之至懿其孰能綜於此也
其將來諸學者遊槃於其中何求而不得乎

阿毗曇八捷度論卷第一

比

迦旃延子造

符秦罽賓三藏僧伽提婆共竺佛念譯

雜結使智行

四大根定見

八捷度

雜捷度第一

世間第一法

智人愛恭敬

無慚色無義

思品最在後

世間第一法 跋渠第一

云何世間第一法何以故言世間第一法世

間第一法何等繫當言欲界繫耶色界繫耶

無色界繫耶世間第一法當言有覺有觀耶

無覺有觀耶無覺無觀耶世間第一法當言

樂根相應耶喜根護根相應耶世間第一法

當言一心耶當言衆多心耶世間第一法當
言退耶不退耶云何頂云何頂墮云何暖此
二十身見幾我見我見有幾見若無常有常
見於此五見是何等見何等諦斷此見若有
常無常見若苦樂見若樂苦見若不淨淨見
若淨不淨見若無我有我見若無因有因見
若有因無因見若有無有見於此五
見是何等見何等諦斷此見此章義願具演
說云何世間第一法答曰諸心心法次第越
次取證此謂世間第一法次有說者於諸五
根次第越次取證此謂世間第一法如我義
諸心心法次第越次取證是謂世間第一法

以何等故言世間第一法。答曰：如此心心法，諸餘世間心心法為上，為最無能及者，故名世間第一法。復次，此心心法捨凡夫事，得聖法捨邪事，得正法於正法中越次取證，以是故言世間第一法。世間第一法何等繫？當言欲界色界無色界繫耶？答曰：世間第一法當言色界繫，非欲界非無色界，以何等故？世間第一法不當言欲界繫。答曰：不以欲界道得斷，蓋纏亦不能除欲界結，乃以色界道得斷，蓋纏亦能除欲界結。若以欲界道得斷，蓋纏亦能除欲界結，如是世間第一法當言欲界繫，但不以欲界道得斷，蓋纏亦不能除欲界

結乃以色界道得斷蓋纏亦能除欲界結以
是故世間第一法不當言欲界繫以何等故
世間第一法不當言無色界繫答曰於等法
中越次取證先從欲界於苦思苦後色無色
界同也若聖道起先辦欲界事後色無色界
同也設於等法中越次取證先無色界於苦
思苦後欲色界同也若聖道起先辦無色界事
後欲色界同也如是世間第一法不當言無色
界繫但等法中越次取證先從欲界於苦思
苦後色無色界同也若聖道起先辦欲界事
後色無色界同也以是故世間第一法不當
言無色界繫復次入無色定除去色想不以

無色想分別欲界如緣苦法忍亦緣世間
第一法世間第一法當言有覺有觀耶無覺
有觀耶無覺無觀耶荅曰世間第一法或有
覺有觀或無覺有觀或無覺無觀云何有覺
有觀乎荅曰依有覺有觀三昧得世間第一
法此謂有覺有觀云何無覺有觀乎荅曰依
無覺有觀三昧得世間第一法此謂無覺有
觀也云何無覺無觀乎荅曰依無覺無觀三
昧得世間第一法此謂無覺無觀世間第一
法當言樂根相應耶喜根護根相應耶荅曰
世間第一法或樂根相應或喜根相應或護
根相應云何樂根相應乎荅曰依第三禪得

世間第一法此謂樂根相應云何喜根相應
乎荅曰依第一第二禪得世間第一法此謂
喜根相應云何護根相應荅曰依未來禪依
禪中間依第四禪得世間第一法此謂護根
相應世間第一法當言一心爲衆多心耶荅
曰世間第一法當言一心非衆多心以何等
故世間第一法一心非衆多心乎荅曰若世
間第一法中間不起餘世間法唯有無漏若
當起者若小若等若妙設使小者不越次取
證以何等故不以退道於等法中越次取證
若當等者亦不越次取證以何等故本不以
此道越次取證若當妙者彼本心心所念法

此非世間第一法若後心心所念法此是世
間第一法也世間第一法當言退耶不退耶
荅曰世間第一法不退也以何等故世間第
一法不退乎荅曰世間第一法諦順諦滿諦
辦無空缺處無所有不起若干心不得思惟
譬如士夫度水度山谷坂若險難處正身不
迴身未到頃正意必到世間第一法亦復如
是諦順諦滿諦辦無空缺處無所有不起若
若干心不得思惟譬如五大駛水一為恒迦二
為檐扶那三為薩牢四為伊羅跋提五為摩
醯盡趣大海無能斷流無能障者盡趣大海
海滿海辦世間第一法亦復如是諦順滿

諦辦無空缺處無所有不起若干心不得思
惟復次世間第一法苦法忍中間彼無有一
法疾於心者當於尔時無能制者不得思惟
以是故世間第一法當言不退云何頂
法云何頂法退答曰譬如漏一刻頃歡
喜向佛法僧如世尊言與十六婆羅門說諸
摩那如漏一刻頃歡喜向佛法僧此謂頂法
云何頂法退答曰已得頂法若命終已退不
復現如有一人與善知識相得從其聞法思
惟內校計信有佛道好法順僧色無常痛想
行識無常信思惟苦習盡道彼或於餘時不
得善知識不聞法不思惟內校計於世俗信

退此謂頂法退云何暖法乎荅曰於正法中
起慈歡喜如世尊說馬師比丘滿宿比丘此
二癡人於我法中無有毫釐暖法此二十身
見幾見是我見我所見有幾見荅曰五是我見
十五是我所見云何五我見乎荅曰色我見
痛想行識我見此謂五我見也云何十五我
所見乎荅曰色我有見我中色色中我痛想
行識有我見我中識識中我此謂十五我所
見也若無常有常見是邊見苦諦所斷有常
無常見是邪邪見盡諦所斷苦有樂見以惡
法爲最此名見盜苦諦所斷樂有苦見是邪
邪見盡諦所斷不淨有淨見以惡法爲最此

是見盜苦諦所斷淨有不淨見是邪邪見或
盡諦斷或道諦斷若盡觀不淨此邪邪見盡
諦所斷若道觀不淨此邪邪見道諦所斷無
我有我見是身邪邪見苦諦所斷有因無因見
是邪邪見習諦所斷無因有因見無作因作
此戒盜苦諦所斷若有而言無見是邪邪見
或苦諦斷或習諦斷或盡諦斷或道諦斷若
言無苦此邪邪見苦諦所斷若言無習盡道
此邪邪見習盡道斷若無而言有見此非見
此邪邪智

世間第一法跋渠竟胡
本五百二十八首盧

智跋渠第二

頗有一智知一切法乎頗有一識識一切法

乎頗有二心展轉相因乎頗有二心展轉相
緣乎以何等故一人前後二心不俱生乎若
人不可得亦無前心而就後心以何等故憶
本所作以何等故憶識彊記以何等故憶而
不憶以何等故祭祀餓鬼則得祭祀餘處不
得當言一眼見色耶二眼見色耶耳聲鼻香
亦復如是諸過去者一切無現耶若無現者
一切過去乎諸過去者一切盡耶若盡者一
切過去乎諸過去者一切沒乎若沒者一切
過去耶若苦生疑是苦非苦耶當言一心爲
衆多心若習盡道生疑是道非道耶當言一
心爲衆多心乎頗有一心有疑無疑乎云何

名身云何句身云何味身有佛世尊告諸弟
子汝等癡人此義云何以何等故佛世尊告
諸弟子汝等癡人乎有六因相應因共有因
自然因一切遍因報因所作因云何相應因
云何共有因云何自然因云何一切遍因云
何報因云何所作因若心使俱諸使心俱彼
使此心所使耶設使心所使此心俱使彼使
此心俱使耶若心使俱諸使心俱彼使此心
當斷耶設使心當斷此心俱使彼使此心俱
斷耶滅因識云何滅因識滅因識幾使所使
此章義願具演說

頗有一智知一切法乎荅曰無也若此智生

一切諸法無我此何所不知乎荅曰不知自
然不知共有法不知相應法也頗有一識識
諸法乎荅曰無也若此識生一切識法無我
此何所不達荅曰不識自然不識共有法不
識相應法頗有二心展轉相因乎荅曰無也
此非一人若前未來俱生二心非未來心與
前心因頗有二心展轉相緣乎荅曰有若一
思惟無當來生心彼當念時便生二心若思
惟有當來生心彼當念時便生二心若念無
當來道生心彼當念時便生二心若念有當
來道生心彼當念時便生二心若二有知他
人心展轉心作緣以何等故一人前後二心

不俱生。答曰：無有第二次第緣。眾生一一心轉，如人不可得空也。前心不往，後心云何憶本所作？答曰：眾生法中得如此智憶本所作，譬如刻印作字，有所印處，知字則現，亦知他所作已，所作亦自知，彼亦不從來問我，亦不從往問汝，作何字？彼亦不答。我作是字，如印所作字，自知作字，自所作亦知他人所作，亦知如是眾生法隨所作，則知所作法亦知。譬如如有兩人，知他人意，各各相因，心彼一不從二，問汝云何相因？彼亦不作是答。我作如是因緣，亦知他人意，法得如是意，各各相因，如是眾生法得如是智，隨前法則知，復次一切。

心所念法定有因緣及修意所作有力意常
不忘失以何等故憶而復憶荅曰衆生之法
心自然迴彼次第智生修意力強專意不忘
以何等故憶而不憶荅曰衆生之法意不自
迴彼不次第智生意漸漸微亦常多忘以何
等故祭祀餓鬼則到非餘處也荅曰此道自
尔生入處法受身分尔是故得到譬如鳥鴛
鴦鴈鶴孔雀鸚鵡千秋共命鳥能飛虛空然
鳥不神於人不大於人神力不能勝人德不
能大人法自應尔生彼受身而飛行譬如一
泥犂一畜生道一餓鬼界皆識宿命亦知他
意亦能雷電興雲風雨作此種種然不能勝

人神不能大人力不能勝人然其法自介生
入受身所作便果復次有人長夜行姪如是
貪如是念如是欲如是思惟彼便取婦生兒
爲兒取婦爲孫取婦亦作是言我當有兒兒
當有兒我死後若墮餓鬼復當念我與我搏
食彼長夜作如是欲作如是念作如是貪作
是思惟所念便果當言一眼見色耶二眼見
色耶荅曰二眼見色以何等故二眼見色荅
曰如合一眼而視色不淨便起不淨識如開
兩眼而視色便起淨識如合一眼而視色起淨
識如開兩眼而視色起不淨識不得作是說兩
眼見色但合一眼而視色起不淨識開兩眼視

色起淨識是故兩眼見色如合壞滅沒亦如是耳聲鼻香亦復如是諸過去者一切不現耶荅曰或過去非不現云何過去非不現荅曰如優陀耶言一切結過去於園離園去於欲不染欲如鍊真金是謂過去非不現云何不現非過去荅曰如有一人乘神足不現或以呪術或藥草此謂不現非過去云何過去亦不現荅曰諸行起始起生始生成始成得盡去無現變易過去世過去世攝過去世是爲過去亦不現云何不過去亦不現荅曰除上尔所事諸過去者一切盡乎荅曰或過去非盡云何過去非盡荅曰如優陀耶言一切

結過去於園離園去於欲不染欲如鍊真金
此謂過去不盡云何盡不過去荅曰如世尊
言是謂聖弟子盡地獄畜生餓鬼趣惡道此
謂已盡不過去也云何過去盡乎荅曰諸行
起始起生始生成始成得盡去無現變易過
去世過去出世攝過去世是過去亦盡云何非
過去非盡荅曰除止介所事復次我今當說
結結或過去非盡或盡非過去或過去亦盡
或不過去亦不盡云何過去不盡荅曰諸過
去結不盡有餘不滅不吐此謂過去不盡云
何盡不過去乎荅曰諸未來結已盡無餘已
滅已吐此謂盡不過去云何過去亦盡荅曰

過去結已盡無餘已滅已吐此謂過去已盡
去何不過去亦不盡答曰未來結不盡有餘
不滅不吐及現在諸結此謂不過去亦不盡
諸過去者盡沒乎答曰或過去不沒去何過
去不沒答曰如優陀耶言一切結過去於園
離園去於欲不染欲如鍊真金此謂過去不
沒去何沒非過去乎答曰我今當說陁小事
如小舍言舍沒街巷器小眼見色言眼沒此
謂沒非過去去何過去亦沒答曰諸行起始
起生始生成始成得盡去無現變易過去世
過去世攝過去世是爲過去亦沒云何非過
去亦非沒答曰除上尔所事復次我今當說

結或過去非沒或沒非過去或過去亦沒或不過去亦不沒云何過去非沒荅曰諸過去結未盡有餘不滅不吐是謂過去非沒云何沒不過去荅曰諸未來結已盡無餘已滅已吐是謂沒不過去云何過去亦沒荅曰諸過去結已盡無餘已滅已吐是謂過去亦沒云何不過去亦不沒荅曰未來結不盡有餘不滅不吐及現在結是謂不過去亦不沒若苦生疑是苦非苦當言一意耶爲衆多意耶荅曰是苦一意無苦二意若習盡道生疑是道非道當言一意耶爲衆多意耶荅曰是道一意無道二意頗有一意是疑不疑耶荅曰無

也於苦有疑於苦無疑非爲苦疑非爲苦無
疑於習盡道疑於道無疑非爲道疑非爲道
無疑云何名身云何句身云何味身名身云
何荅曰名者分別語有增數想施設說轉名
是爲名身云何句身荅曰如句身得義滿記
彼此業世尊亦說

諸惡莫作 諸善奉行 自淨其意 是諸佛教
諸惡莫作此一句 諸善奉行此二句 自淨其
意此三句 是諸佛教此四句 如是句義滿記
彼此業是謂句身云何味身荅曰字身說味
身世尊亦說 頌是偈相字是味相名是依偈
造者偈體如是字說味身是說味身如佛世

尊告諸弟子稱言癡人此義云何以何等故
佛世尊稱言癡人答曰佛世尊法中不順戒
行犯衆過事無果實行故稱癡人復次佛世
尊不順教誡教使順法故稱癡人是佛世尊
常訓誨語如今和尚阿闍梨教誨弟子稱言
癡人所作非法造不善事佛世尊亦復如是
告諸弟子稱曰癡人有六因相應因共有因
自然因一切遍因報因所作因云何名相應
因答曰痛痛相應法相應因中因痛相應法
痛相應因中因想思更樂憶欲解脫念三昧
慧慧相應法相應因中因慧相應法慧相應
因中因是謂相應因云何共有因答曰心心

尊告諸弟子稱言癡人此義去何以何等故
佛世尊稱言癡人答曰佛世尊法中不順戒
行犯衆過事無果實行故稱癡人復次佛世
尊不順教誡教使順法故稱癡人是佛世尊
常訓誨語如今和尚阿闍梨教誨弟子稱言
癡人所作非法造不善事佛世尊亦復如是
告諸弟子稱曰癡人有六因相應因共有因
自然因一切遍因報因所作因去何名相應
因答曰痛痛相應法相應因中因痛相應法
痛相應因中因想思更樂憶欲解脫念三昧
慧慧相應法相應因中因慧相應法慧相應
因中因是謂相應因去何共有因答曰心心

所念法共有因中心所念法心共有因中
因復次心心所迴身行口行共有因中因復
次心心所迴心不相應行共有因中心所
迴心所迴心不相應行心共有因中因復次
共生四大展轉共有因中因是謂共有因

因展轉
相生義

云何自然因答曰本生善根後生善根與善
根相應法自界自然因中因過去善根未來
現在善根與善根相應法自界自然因中因
過去現在善根未來善根與善根相應法自
界自然因中因無記根亦復如是

三憍慢
四無明

四痛一愛
二五邪見

本生不善根後生不善根與不善根相應法
自然因中因過去不善根未來現在不善根
與不善根相應法自然因中因過去現在不
善根未來不善根與不善根相應法自然因
中因是謂自然因云何一切遍因荅曰前生
苦諦斷一切遍使後生習盡道思惟斷使與
使相應法自界一切遍因中因過去苦諦斷
一切遍使未來現在習盡道思惟斷使與使
相應法自界一切遍因中因過去現在苦諦
所斷一切遍使未來習盡道思惟斷使與相
應法自界一切遍因中因習諦所斷亦復如
是此謂一切遍因云何報因荅曰諸心心所

念法受報色心心法心不相應行彼心心法
此報報因中因復次諸身口行受報色心心
法心不相應行是彼身口行此報報因中因
復次諸心不相應行受報色心心法心不相
應行彼心不相應行此報報因中因是謂報
因云何所作因答曰眼緣色生眼識彼眼識
眼所作因中因若色彼共有法彼相應耳聲
耳識鼻香鼻識舌味舌識身細滑身識意法
意識彼共有法彼相應色法無色法可見法
不可見法有對法無對法有漏法無漏法有
為法無為法如是諸法所作因除其自然耳
鼻舌身意緣法生意識彼意識意所作因中

因若彼法共有法彼相應眼色眼識耳聲耳
識鼻香鼻識舌味舌識身細滑身識彼共有
法彼相應色法無色法可見法不可見法有
對法無對法有漏法無漏法有爲法無爲法
如是諸法所作因中因除其自然是謂所作
因若心使俱諸使心俱彼使此心所使耶荅
曰或所使或不所使云何所使荅曰諸使未
盡此所使云何不所使荅曰諸使盡此不所
使設使心所使此心俱使彼使此心俱使耶
荅曰或是彼非餘或是彼是餘云何是彼非
餘荅曰苦智生習智不生若心習諦所斷苦
諦所斷緣此謂是彼非餘云何是彼是餘荅

曰人染汚心一切被縛繫此謂是彼是餘若
心使俱諸使心俱彼使此心當滅耶荅曰或
滅或不滅云何滅荅曰諸使於彼緣滅是謂
滅云何不滅荅曰諸使於彼緣未盡是謂不
滅相應諸使此使何所滅荅曰諸使緣滅也
如是汝語使緣滅荅曰如是若作是語諸使
盡諦道諦所斷無漏緣此使何所滅此滅彼
滅此事不然如向者語諸使盡諦道諦所斷
有漏緣此盡使當言盡設諸使心所斷此斷
心俱使彼使此心俱使耶荅曰或是彼非餘
或是彼是餘云何是彼非餘荅曰若心無染
思惟所斷此謂是彼非餘云何是彼是餘荅

曰若心有染此謂是彼是餘盡緣識云何荅
曰苦智生習智未生若心習諦所斷苦諦所
斷緣是謂盡緣識彼識幾使所使荅曰十九
一心耶不也欲愛未盡苦智生習智未生若
欲界心習諦所斷苦諦所斷緣是謂盡緣識
此識幾使所使荅曰欲界習諦所斷七欲愛
盡色愛未盡苦智生習智未生若色界心習
諦所斷苦諦所斷緣是謂盡緣識彼識有幾
使所使荅曰色界習諦所斷六色愛盡無色
愛未盡若苦智生習智未生若無色界心習
諦所斷苦諦所斷緣此謂盡緣識彼識幾使
所使荅曰無色界習諦所斷六

第百二十三首
跋渠竟長二十字
二胡本二

阿毗曇卷第一 雜捷度之一

跋渠上蒲坂反音頃領駛二音醯反呼兮毫釐

下力疆記又去聲同祭祀似下音搏食上音毘

狹二同侯夾

比

